

民國昭通縣志稿

卷九

詩文徵志

外編 與本縣有關  
係詩文

軼事

前志源流

本志纂修始末 附本

志纂修  
人略歷

民國昭通縣志稿卷九

外編

與本縣有關係詩文

再定烏蒙謝恩疏

雲貴總督鄂爾泰

伏念此次烏蒙之變總兵官劉起元之罪猶不在憤事而在辱國以全鎮之兵加以所轄三營軍用鎗炮賊只標弩以一當十非關弱強無論未事之先首告造謀者有人密報聚衆者有人劉起元責懲怒罵既不就祭亦不防備罪不容於誅即果變起倉猝原無知覺亦當整兵力戰或據險待援勝則賊降敗則自盡猶不失爲死事乃並不一戰妄欲招安直至逆夷重圍兇橫益甚猶妄意魯甸不反仍同遊擊汪仁賄買

昭通縣志稿

卷九

詩文徵

一

昭通新民書局代印

賊目欲保全家口奔赴東川以致盡被殺於離城二十里荔枝河地面於是賊勢愈熾謂官兵伎倆不過如此以至東威夷屬羣起附和肆市流害人心惶惑據奔逃兵丁客民備述形狀莫不痛心切齒在鎮將之罪即總督之罪此臣之所慙惶忿恨而刻難自寬也雲貴邊隅盡屬苗獠獷悍愚頑不服約束每有藐官虐民殺兵奪礮而互相隱諱以爲老成者凡茲前事人所習聞臣自叨荷殊知寄以重任殫心籌畫矢志清操不量己力不卹人言並非好大喜功實亦隱憂遠慮計五載以來仰賴天威凜遵訓示雖難言條理已少具規模今烏蒙一變儼若不知惟聖明可寬臣之罪天下難諒臣之心

將懦者得以借口強者亦樂於安身謂苗夷原不應懲創謂  
邊疆原不必開闢皆鄂爾泰好事皆鄂爾泰起畔竊恐因循  
瞻顧復蹈前轍日復一日官復一官數十年後或有事征剿  
則力倍功半猶未可以圖寧事有原因誰實貽戚臣骨化形  
銷難辭負恩誤國言念及此寤寐難安故烏蒙逆夷務期立  
速屠滅俾聲威遠振免生夷心以堅衆志庶此一反覆轉可  
以謀寧謐慮不止爲烏夷事實攸緒諸蠻此臣之所以懇請  
解任督師不欲旁貸者也茲蒙 聖恩原宥慈諭屢頒臣自  
知淺陋不能仰體 天心冒昧無辭悚惶倍切至於遊擊汪  
仁知縣賽枝大等倉猝遇害累及妻孥著臣查明具奏加恩  
賞卹捧讀恩編感深存歿謹奏

昭通縣志稿

卷九

詩文徵

二

昭通新民書局代印

上滇督鄂公書

劉建隆

建隆往承老府公之愛備歷艱危老府公抱忠完節建隆區  
區悃忱藉以不負先府公承襲義不當去其如一國三公紀  
綱頹廢會建隆有不良之疾痿躄至今歸慶符攝養以待天  
年不意先公去世少府穉年郡母使命頻繁且動以先世交  
誼提撫幼孤故凡建隆之所蹒跚而至者義有不得辭而不  
圖三官之責我也三官書云少府應齋印投滇抗而不來罪  
在於汝夫普天之下莫非王土在蜀在滇豈有分別但念烏  
蒙蜀郡少府蜀員况蒙上憲題參印須候摘交送若使遵聽

三官之言携投滇省則其跡似叛殆不可從建隆雖老悖固不敢勸人以叛也又三官條言滇憲恩遇隆厚來者既加德澤凡有血氣無不忻戴但少府與三官不同三官閒散之人可以東西自由少府則川省有印土官不便徑投別省自取大戾且如滇省亦有土官一旦携印而投於他省當亦滇憲之不能容宥者也然建隆已代少府作稟申達川憲請示倘蒙批准歸滇則星夜渡江不敢少後謹啟

昭通書院碑記

雲貴昭東雄威  
地方總兵官

徐成貞 禹 峯

郡之名昭通自 大司馬鄂公始也昭通之有書院則郡之官弁民彝感 公之德戴公之深碑昭通子弟日誦習其中

昭通縣志稿

卷九

詩文徵

三

昭通新民書局代印

歷百世而思慕之不忘也謹按昭通舊爲烏蒙土府祿氏所轄乃禹貢梁州之域周爲荒服名曰賈地甸漢爲牂牁郡地自祿氏始祖與孟獲同時夫婦來棲於阿汪之後山即今東川府所屬之阿汪村也其婦孕久逾期常腹痛云有兩兒鬥腹中及產果二男夫欲殺其一婦挾一走逃於烏蒙其後二子爲兩地酋長在烏蒙者問其母曰父安在母語之故子遂起兵往尋父其居東川者亦起兵應敵不相下各退守自此而祿氏子孫皆嗜刦殺弑父篡兄烝淫暴虐世世不絕稽之輿志則稱唐時烏蠻仲牟由之裔阿統其十一世孫烏蒙始強因號烏蒙部宋封烏杓爲烏蒙王元初歸附至元間置烏

蒙路隸烏撒烏蒙等處宣慰司至順初雲南諸土司禿堅等舉兵烏蒙土官祿衮應之禿堅敗祿衮遂據金沙江自固擊平之明初以土酋阿普効順使世其職洪武十六年改烏蒙軍民府隸四川布政司烏撒即今之威甯而烏蒙或言祿或不言祿蓋彝俗以名著或稱姓或不稱姓今往往有之然又稱爲仲牟由之裔未知何說大抵近世之言祿氏爲甚雖隸於川省每歲不過量輸租賦而東連黔界南接滇疆擾犯三邊迄無甯日荼毒百姓莫敢誰何雖案牘山積而兵役不能入檄調不奉拘幾以沿邊子女盡付之虎口中矣惟我少保公以雍正四年旣奉命以東川郡歸滇轄東川去烏蒙

昭通縣志稿

卷九

詩文徵

四

昭通新民書局代印

僅數十里遂因長寨之役親巡東川調度軍務委官在烏蒙召土府及諸有名案犯土酋出鞠是時土府祿萬鍾與鎮雄土府隴慶侯皆以童年襲職爲漢奸劉健侯王起瑜及諸酋目牽制各携印逃至川境冀得倖免公遂遣將調兵直趨烏蒙鎮雄往擒并錄祿萬鍾隴慶侯罪狀移文川督岳公兩土府計窮乃獻印川員旋奉特旨解兩土府赴滇就審而以其地盡歸滇省公乃以諸兇目漢奸等俱伏誅而以兩土官年幼配江西貸其死其餘脅從羽黨概從胥釋各令自新其餘孽得不死者亦皆畏法獨米貼二婦祿氏及川界阿驢東川法戛諸男女酋殊兇悍不畏死公復先後遣將

盡誅之是役也有祿鼎坤者祿萬鍾季父也鼎坤嘗蒞土府職希立功以代率兒子萬福等身先來歸凡所軀遣罔不用命及事平 公請設流官而以鼎坤授守備職 詔令鼎坤赴都引 見鼎坤恚且懼方就道時與兒子祿萬福及頭人段良伯等十數人囑倡亂鼎坤既入蒙 恩授河南歸德營參將賜帑金萬兩於雍正八年六月抵任悔禍不及遣人馳赴烏蒙而萬福等已於八月二十五日自魯甸起釁傷官殺兵并勾結束川鎮雄威寧各路頭目兇燄甚熾 公乃赫然震怒調三省十萬兵星赴軍前其時予 奉令馳赴調度同總兵哈元生鎮雄營參將諱勳及諸將士皆切齒

昭通縣志稿

卷九

詩文徵

五

昭通新民書局代印

痛心爭先討賊不三旬而復烏蒙不七旬而入大關不九旬而收永善自魯甸以下如涼山鼠屯等數百兇寨盡爲屠洗自段良伯以下如庚沮奔阻鼠壽長龍山甲等數百兇目盡爲斬擒并餘黨數千人無得免者獲賊男女數萬人牛馬牲畜數千萬盔甲刀鎗諸器械亦數十萬諸兇頑屠殲殆盡無復噍類 公乃下令凡避賊逃亡及被脅從者概令招撫悉予安插於是良懦遺黎殘喘餘生歸而完聚者仍得數萬戶公復給以田土助以耕牛資以穀種俾得各安其業而閒田餘土荒廢尙多乃 公之誠上動 天鑒凡未經布種之地盡生蕎糧沿於東川觀者咸相歡慶呼曰天生蕎乃苞穎

方茂螿螿叢生忽有烏鵲蔽空羣噪而至飛翔捕啄一食而盡禾無一損蝗無一存歲乃大熟於是童叟忻忻塵市攘攘烟火萬家吠鳴千里殷庶之象宛然內地矣貞等仰承我公化民成俗之心興賢育才之意爰建書院擬致宿儒漸以詩書淑以禮樂使其入孝出悌尊君親上之思油然而生然後知我公之所以改土歸流者乃得以去其椎髻進以衣冠去其巢窟進以室廬去其戈矛進以揖讓去其殺伐進以謳吟俾其子弟皆爲莠良俾其父老共遊盛世公旣奏請皇上賜名昭通舉前之烏暗者易而昭明前之蒙蔽者易而宣通則公之所以大造於斯郡者誠千萬世型仁講義之勳而非僅一時除殘禁暴之績也此昭通之所由名而昭通書院之所由設也今書院告成亦即顏之曰昭通書院而並書其本末以告來世其亦公之志也夫時大清雍正九年歲次辛亥孟冬月下浣總兵官徐成貞

武廟啟聖宮新建碑文

總兵 何雄輝

嘗思善作必須善成知來猶在觀往武聖宮之後殿向祀觀音近以崇祀啟聖改建歷年未就余抵任後恐其久將廢弛因與諸將弁籌款續修旣成問序於余躊躇久之與其徒尙浮詞僅供文人之瞻視何若詳徵遺蹟堪爲吾輩之齷齪以故變序爲錄舉昭郡始末並歷鎮得失之可鑑可戒者悉撮

其領要勒諸貞珉吾儔觸目警心庶亦振興之一道焉 謹  
按昭城設郡肇始我 朝雍正六年府仍烏蒙舊號築土城  
於天砥一名天梯以劉起元爲總兵官時新改土歸流魯甸土目祿  
鼎坤求襲土職不得與子萬福謀反人有首告者劉鎮不信  
議請設備弗聽八年庚戌八月二十五日萬福反魯甸圍府  
城劉鎮不戰立意招撫賊引涼山蠻數萬至毀垣入城中軍  
劉崑戰死文武吏同時死者十餘人劉鎮潰圍出走賊殺之  
於利濟河分據大關永善誘煽東川鎮雄威甯諸土酋四出  
焚擄 總督鄂公調滇黔蜀官兵進剿總兵哈元生副將徐  
成貞大破賊於得勝坡及迤那溪乘勝抵烏蒙恢復府治會

昭通縣志稿

卷九

詩文徵

七

昭通新民書局代印

合諸軍以次克復大關魯甸永善搜勦逆夷數百寨擒斬逆  
首祿萬福等東蒙悉平乾隆元年鄂公奏請改烏蒙爲昭通  
以天砥土城不利檄委素通地學之訓導張君上哲庠生段  
君憬文往相形勢改磚城於二木那一名樸窩即今府治也徐公字  
禹峯湖廣人有文武才 鄂公請授公總兵官經理軍民諸  
務公偕知府徐公德裕綏輯羣黎草創百事城工旣竣乃建  
衙署營房壇廟書院萬壽亭大閱堂深鑒前失爲根本計一  
切興利除害事宜罔不周至軍民皆賴之在任六年兩賜御  
書福字嗣以陛見解任軍民祠之省耕塘厥後鎮將媿美徐  
公者道光中有普公陀保公字南巖滿州人常謂天下雖安



忘戰必危况承平日久武備漸弛故黜貪劣決老弱補虛額拔真才廣置軍儲晨夕訓練常如寇至由是兵伍奮勇盜賊寢息咸豐六年丙辰回民搆亂郡城危如壘卵而卒能保無恙其得力於公之措置講習者深也烏呼如徐公者可謂善創如普公者可謂善守矣夫創之不善在雍正時遂有祿逆之災而守之不善至光緒時復有卯逆之變卯逆名三合亦魯甸人也光緒七年聚衆灑漁河約期襲府城中軍聞之以告鎮將麟志務爲鎮靜毫無戒備八月二十七日夜五鼓賊先率數百人犯城無扞禦者內姦啟北門納之入鎮府縣官聞變皆踰垣避賊踞鎮署中軍張宗久把總程大益額外楊來本死之將旦賊礮升堂城內紳民將弁有膽識者悉率丁壯急攻日旣上民力愈厚賊勢益孤不移時翦除盡淨旣而賊之大股抵城已無能爲隨因其勢而解散之危城復安幸矣哉嗟夫劉麟二鎮一以招撫僨事一以鎮靜失機豈撫鎮之必致僨失乎彼蓋以姑媳爲招撫以驕惰爲鎮靜故致僨失爾而卯逆踞城墾災除害寔賴編氓宜乎述往事者益爲吾介胄之士太息痛恨也或曰張段二君之相地形也謂昭郡局勢金牛低陷水神來去皆在金位歲運冲合三煞架臨則兵禍立至是以庚戌酉月金居旺地逆夷作亂靡有孑遺而光緒辛巳八月之變前後如出一轍天道人事有明徵矣

雖然天道遠而人事邇古語曰前事不忘後事之師也又曰前車既覆後車當戒事之宜師宜戒者惟載諸簡編鑒觀不爽昭郡向無志乘乾隆四十年汪公秉謙攝郡篆始開局修志纂修者尋甸州牧戴君芳分修者恩安副貢馬君州二君修志之功亞於張段二君之相地惜乎志稿初成未能付梓迄今又百餘年事可入志者不知凡幾續修無人將遂煙沒余愧不如徐普二公文雅丙戌冬來鎮斯土任大責重深懼隕越貽羞爰考志乘詢耆舊考取事之可爲鑒戒者錄之旣以自警兼勸同人云

重修恩波樓記

知府 張賡颺 翰卿

昭通縣志稿

卷九

詩文徵

九

昭通新民書局代印

出昭郡西南七里外有恩波樓面山背水創開鉅麗爲郡治八景之一考諸郡志樓始創於乾隆庚辰邑令沈君興修并於其下開溝洫興水利灌溉良田千餘頃美意良法侯其偉而初名望海落成之始制府愛公巡邊適至爲易名曰恩波蓋不徒爲登臨流覽之美寔以誌沈君之惠政俾後之官斯土者有所觀感而民之食其利者知所自來也迺日久失修中經兵燹迄今頽敗歲癸卯余回昭任郡人士懼煙沒沈君之澤以爲民羞太史謝君覆莊倡首暨董事楊君嗣雲等募捐重修勞怨不辭始終其事爲請於余余喜諸君子樂與爲善捐廉爲創復令分投勸募得款一千九百有奇經始於孟

夏至甲辰四月杪告成吾因重有感焉古豪傑慷慨負奇氣  
而或不見許於當時者士君子文章負盛名而或無表見於  
後世蓋名者實之賓爲天所珍惜而爲人之所難得自古即  
名盡人所圖顧或傳或不傳者則有幸有不幸也今茲樓之  
見重於昭也豈非以其人哉然使昭人憚於興作聽其廢墜  
而莫省再數十年後時移勢易基址無存吾恐斯樓之所自  
起與命名之所由來皆有不知其所以然者則山川豈不因  
之減色而文獻又奚資以徵考耶乃昭人趨事恐後數月而  
成之前則荒煙蔓草闐寂無色今則美輪奐美煥然一新當  
夫春秋佳日郡人士命儔嘯侶裙屐聯翩覽鳳山之秀吸龍

昭通縣志稿

卷九

詩文徵

十

昭通新民書局代印

洞之泉見夫平疇萬頃蔀屋千家慨然念前侯之遺愛豈能  
無詞以祀其盛乎然則是樓也非獨壯山澤之觀將以振起  
斯人之志氣且使繼沈君而至者蕭規曹隨而無墮其舊也  
則斯樓所繫於昭匪淺鮮矣余素仰沈君之能惠昭民之不  
忘其惠故樂爲記之景企前徽徘徊陳迹於以知循吏之澤  
歷數百年而不衰烏呼登斯樓者可以興矣

題周孝子及孫上尉傳後

縣長

梁友憶

君與  
蒙化

忠孝大節也古今所重其心足以動天地感鬼神其事足以  
範鄉里爲後世法余從姪子悅曾畢講武業嘗言其同校生  
周上尉死簡陽事甚烈初亦不之異也民國己未余承乏昭

通訪清季有周孝子者刳股療親鄉里咸稱其孝聞于有司旌祀如例因憶上尉亦昭通人孝子得毋其族先輩耶時周君敬叔襄團務恆過從叩之則孝子其父而上尉其子也其明年敬叔以楊筱雲君所撰周孝子周上尉傳示余讀竟益慨然曰敬叔有子孝子有孫祖孫大節卓然在人耳目宜乎周氏之昌大於昭也抑余猶有說昭郡古烏蒙地處滇邊壤界川黔商務盛而居人雜民多趨利忘本得孝子上尉祖孫大節以風勵之惡知薄俗之不可以移易也爰書數言於後

### 烏蒙馬說

巡撫 田 雯  
山東

蓋馬之良者爲冀北而渥洼之種則交龍大宛之馬則汗血

## 昭通縣志稿

### 卷九

詩文徵

十一

昭通新民書局代印

渥洼大宛皆西域也水西與烏蒙皆近於西故多良馬上者可數百金中亦半之其鬻於外者凡馬也而其上者蠻人愛之不肯鬻亦不頻騎惟臨陣急走乃用之蠻死則以殉水西之馬狀甚美前視雞鳴後矚犬蹲膈闊膊厚腰平背圓秣之以苦苽啖之以薑鹽遇暑渴又飲之以糞漿體卑而力勁質小而德全登山踰嶺逐電歛雲鄙螳螂而笑蝮蛇也然鬚髯臆肉角蘭筋有馬如此不可謂非良矣然而未若烏蒙之馬體貌不逮水西神駿過之食蒼筤之根飲甘泉之水首如確蹠如磨齒背廣以平途試之夷然弗屑反不善走而志在千里隱然有不受羈勒之意所以英雄之才不易測而君子之

道貴養晦也詰其故惟著意牧駒始生必保其母之饑渴而  
潔其寢處曉夕與俱所以助其種而使益厚其子之氣也生  
三月擇質之佳者而教之繫其母於層巖之巔餒之移晷駒  
故戀乳不可得倏縱之則旁皇躑躅奮逃騰蹕而直上不知  
其爲峻矣已乃繫其母於千仞之下而上其駒母呼子應顧  
盼徘徊而不能自禁故弛之則狂奔衝逸而徑下亦不自知  
其爲險也如此數回而後已焉則其膽練矣其才猛矣其氣  
肆矣其神全矣既成猶復絆其踵而曳之以齊其足所投無  
不如意而後馳驟之盤旋之上巉巖若培塿履羊腸若莊達  
而軼類超羣也烏呼此烏蒙馬之所以良也天下事何以不

昭通縣志稿

卷九

詩文徵

十二

昭通新民書局代印

由於學而況馬乎

修志徵言

纂修戴 芳撰

星連參井地接川黔奉 正朔者百餘年尊 王路者五十  
載蕩平績著通志備載夫武功撫字心勞國史獨崇乎文治  
賣刀劍以買牛犢農務耕桑說禮樂而敦詩書士知仁義顧  
文獻之不足實賢哲所關心纂輯遺文勒成郡志煙雲杳靄  
恩安爭似樂安氣象沈雄魯甸依然禹甸黎山雪嶺掩映大  
關黃草金沙廻環永善傍山臨水古寨屹作邊防易府爲州  
鎮雄地兼銅運喜石刻之古界芒珙傳來覩仙碑之篆文青  
螺摹去水通三峽洪濤自昔驚人地產五金國課於今爲盛

其餘往牒尙可參稽身載土舟誰解廩君幻蹟兵起瀘阜競  
談諸葛精忠鳥入水而魚上山物情狡獪牛叩頭而馬搏頰  
路徑崎嶇奇境非奇句不傳勝概假勝文而著夫毛詩一部  
多以山水邱谷名篇而楚些幾章恆借芷橘蓀蘭入賦況乎  
木魚石虎色相偏奇雞爪龍頭形神恰肖者耶凡我同人宜  
多秘帙或以貿遷而過載好其音或因從宦而來各言爾志  
筆端有鬼圖樓閣於空中眼底無牛繪江聲於指下以才子  
之能事作名士之風流觸境抒懷爲山川生色借題寫意達  
忠孝深情地似舊而非陳詩如新而后積不論前賢時髦惠  
我無私何拘舊制新篇多文爲富宣揚 聖德綴成昭郡奇

昭通縣志稿

卷九

詩文徵

十三

昭通新民書局代印

觀紀載 皇猷一洗烏蒙舊習謹啓

瘞旅文

即豆沙關斃人骸

昆明 熊廷權

仲青

距昭通縣三百四十里豆沙關河流迅急峭壁鐵立上高天  
而下深淵岩疆也岩隙有棺纍纍路人且睨且指傳爲斃人  
古蹟予以宦蜀屢經其地目駭心戒不知當日如何厝置也  
乙丑冬賑旣竣善後經始姜思敏君招飲于省立第二中學  
校因參觀陳列品遂及古棺中貯殘骸零星不全三頭顱頗  
壯大手足骨亦龐長棺刳木而空其中長六尺有奇寬尺有  
二寸相其紋理爲杉木四分之一不漆不髹其制樸古以意  
揣之當係數千年前物姜云甲子夏陳載光副使屬土人蔣

天明覓人緣壁取爲展覽會品未逾年而兩人均不得其死  
豈枯骨尙有靈乎余曰文王澤及枯骨古人遺骸何當玩弄  
請以體瘞之棺古物也畱置校中以備考究何如姜君然之  
遂瘞於圓寶山側嶺迺爲文以紀其事且爲之誄曰霜淒淒  
兮露灑灑風雨剝蝕兮日月迎將翳何人兮骨骸堅強胡不  
速朽兮戀此高岡惡有報兮善有慶毀棺露骸兮吾意悽惶  
山之廣大兮地厚無疆以爲宅兆兮永此潛藏臻百福兮降  
百祥千秋萬歲兮勿厲勿殃民國十有四年歲在乙丑冬十  
一月上澣

旌表節孝李母遲太夫人墓表

榮縣 趙 熙 堯生

昭通縣志稿

卷九

詩文徵

十四

昭通新民書局代印

恩安李君治商滇蜀之間而身主辦重慶其行肆通於天下  
歲運雲南銅務圜法資焉而深湛好義縱其智誠之所極身  
肩力贊謀所以紓國濟民者凡在西南大事造功其勤光緒  
二十九年趙熙道重慶李君皤然老矣籌數當世之急若嘗  
重負斯人者或交慰之李君大戚曰烏虜此吾太夫人之志  
乃今百不一償也因述生前哀苦及老而仁逮一方者聞論  
愴然蓋李氏家初貧太夫人年十四來歸舅姑在堂姑姊妹  
環集盥饋箴紉鉏臼之外一身而百瘁助夫之孝久之咸化  
其能稍裕矣而亂大作咸豐六年羣回用頑所向屠燒中夜  
忽報賊至太夫人相夫奉親挈老弱倉黃宵遁野宿大厓洞

天明次法納江行舟盡絕還處大厓洞三日而故廬蕩爲灰墟乃窟處曰僊人洞者煢煢然邱荒之陰云而賊必取避患諸人盡戕乃已積薪硿門大煙嘘穴幸瀉餘寶弗熏以殞於是衰齡憤悼次年舅姑先歿夫子繼卒下之中子冢婦賡續相亡纍纍四棺在目太夫人呼李君深悲之李君乃糾鄉兵杆賊維萬死之計太夫人裹糧佐食自擷野蔬和粥用舖諸孤然亦竟平賊險李君又曰吾家遭亂已來而吾以商之務稍稍給養矣太夫人則督諸孫讀豐其餼以延師躬苦自若也繼析諸子產令異其居請已焉不可曰同財自安此天地游民之始也而何憂焉而太夫人春秋高吾心畏蜀居將以

昭通縣志稿

卷九

詩文徵

十五

昭通新民書局代印

勤朝夕之養諸昆弟爲歡虞也太夫人毅責於庭曰而忘母心耶方今恩安魯甸大饑官中振糶不足殍者屬道吾歷兵戈之苦深恫民命之艱恩以納之安區倚鄰粟澹吾災方於汝有死窮之望乃圖吾側而母之志謂何烏虐慈言在耳竟以數賑違侍汔聞病歸僅五日而太夫人卒趙熙則歎息以謂國者人之積也人與人渙則不國不國之道萬端莫大不仁然身非其任而勉爲之古之賢者或寡矣李君壹秉純德慄慄焉深哀大懼灼知鋒鏑之始於民窮者非惟李君之孝寔宜鑱山樹碣爲文以光埏道詔千秋母教之賢李君則涕泣出狀按狀太夫人恩安遲家坪人考繼宗歸李府君洪泰



生子正榮當世所稱西南李君也次正南啟貴啟先啟芳孫  
男廿四人孫女十五人曾孫十二人太夫人以節孝旌於朝  
誥封恭人助賑獎予建坊晉贈二品夫人光緒十九年五月  
卒得春七十又五葬魯甸仙人洞宅右之阡

五言古詩

雉雞箐水

嵩州知州嚴遂成

不聞一鳥啼雉雞

鷓鴣一名鷓鴣

取何義不見一花飛香名梅竊據老獠

昔所都岷嶓磊大礪中通道容趾團團磨旋蟻地底俯深叢  
陰燐吹鬼魅天豁半峯晴半峯雨未霽擔樵者誰子時時逢  
虎醉孤城介黔蜀大小關地名門蔽叛服隨烏蒙爲其左右臂

昭通縣志稿

卷九

詩文徵

十六

昭通新民書局代印

抵巇或鼠竄同殆忽鷹鷲鯨鯢几上肉斬殺動萬計追原咎  
禍始元戎坐招致是衛善撫綏母虎冠而吏二十五年來他  
姓如入繼恃茲後母勤不以前子棄投醪羣飲之何由釀兵  
氣居安戒垂堂攬景洵足記石牛耕牧資金馬戰場利入夜  
泉涓涓無絃愜情趣

入東川追紀烏蒙反正事

嚴遂成

擔柴塞路中藏刀夜半火發城四拗內抉門出外突入萬蟻  
俛瓊雲湧潮屠宰老弱等雞狗黏天雨血兼風毛堂堂元戎  
劉元起規兔脫馬濘而躡頭顱拋東川上酋祿承良暗通賊奎鄉木  
谷皆繹騷十日堵截郵遞絕勢危纍卵懸孤巢間道得勝援師

猝相遇黑爪一名黑寡生獐闕虎虓大呼門來哈老大元生擲筧硿甲

穿弓弝既左辟之一矢復應手霹靂鳴鵝鴟蟠然墮地禡其

魄兜鍪斗大鞞豬豪其餘跳崖死無算驚豹妖慘紛遁逃遂

趨松林稻田壩恢復郡治改名昭通功崇朝制闔太傅鄂公威神秉廟略發

蒙振落沴盡消漏臥侯降漢陳立莽論熱獻唐韋臯玉斧不

須劃大渡黔蜀一氣藩維牢二府東黔西蜀我行芒部想戰跡墟箐歷

歷棚安茅蠻子蠻孫頗識字簪花蠻女吹蘆簫

城南行擬唐人作

倪 蛻

城南簇簇殺叛人烏蒙之首祿鼎坤一生綁虜不知數兇殘

酷毒傾蠻府投唐悉怛欺贊皇愬衛元咷戕甯武黃金燦燦

昭通縣志稿

卷九

詩文徵

十七

昭通新民書局代印

橫賊腰青天白日飛獍梟何知劉闢方盈欲黃口雛兒覆翻

巢械鎖西來就極刑鑽鑿磔裂猶嫌輕雷礮一聲霜刃捷九

衢歌舞神人悅爾富爾貴安在哉并作秋郊一堆血

苦昭吟

署昭知府龍

文

昭歲罹奇荒天地愁翻覆鴻磬哀復哀民散走如獸草根食

且枯白泥寔釘餛命懸呼吸間眼看兒女售果腹值些微牽

衣淚痕透非不痛生離溝壑填老幼遺骸雜棄嬰狗彘爭哮

鬪風雨近黃昏人號鬼聲湊日擊心暗傷地誰憐僻陋為仿

鄭俠圖條陳無刺謬過昭稟到條耀河工三策陳賑恤平俱蒙照准秋風送我來壬辰八月奉檄轉昭緒紛難

急就殮骨瘞山青新置義塚三處棺木五千具餘生遑補救先無告窮民糜粥延

昏晝

粥廠男女四五千人計設半年

彼鵠面鳩形鵝鄉矧多又賑糶衣食兼

放賑衣褲錢糧三次平糶八月

工代河開舊有衆任指揮支流悉窮究

以八千人開正河六千人挖子河

海水肥西

疇百年無秋收

魯甸恩安桃源淹自乾嘉亦積年大水

藉手挽狂瀾滄桑新世宙

涸出荒田數十萬畝

其奈食指繁飛輓車馬驟

四處運糧背決數千人

萬事日紛拏硃墨沾襟袖

慘淡此經營舊疾新愁邁蒼涼悲壯時恨天誰補漏感大府

慈仁據情露章奏頒帑活災黎聖恩尤高厚魯有君子人

李謂

紳正榮

重資輸恐後義助援鄰封函金千里授共濟伏同舟羣材

勸左右

虞調員弁紳耆二十餘人

手揮萬萬錢

請帑銀四萬兩募捐銀二萬零

旁觀增巧詬焚香誓蒼

冥自欺不我佑日對茲子遺寸衷猶孔疚但祝頻年豐咸與

躋仁壽官瘦爲民饑民肥官益瘦

### 昭通縣志稿

#### 卷九

詩文徵

十八

昭通新民書局代印

#### 楊孝子歌

知府

鄒馨蘭

孝子楊氏年十八天賢穎悟推英拔潛脩讀破聖賢書志在  
存人身可殺咸豐丙辰季夏月濱河田疇新漲沒乃翁憂水  
視禾苗狂瀾捲入蛟龍窟孝子奔救赴洪波遇拯倉皇奈若  
何回顧父骸不可得奮身號泣仍投河孝子知父不知死抱  
屍浮出父有子誠存一念篤天倫事足千秋光國史人生不  
幸造化穹爲子死孝臣死忠百世河山有代謝萬古綱常無  
始終吁嗟乎天荒地老一回首風雨蓬蒿誰不朽祇憑正氣  
塞乾坤孝子流風高北斗

其二

教諭

許印芳

讀鄧鐵香給諫所撰楊孝子事略後因題俚句

曹娥叔先雄孝女名人垂恩安楊氏子千載相攀追王談復

仇歲

王談年十八手殺父仇見晉書本傳

楊子年與齊痛父溺河死投河尋父屍身應

化魴魚闖浪眼弗迷認父泣往抱力固勝結絲鮓浮抵河岸  
陰報族黨知兩棺一時葬天親永不離閭里駭且歎哀傷涕  
交頤稱揚遍鄉邑請旌何淹遲鄧君鐵石心發言闡幽微處  
約體峻潔幹桐老無枝著論厲薄俗鍼骨而砭肌茫茫人海  
中居安罔思危洪波乘風起跬步觸禍機臨難仍苟免坐令  
萬事隳平地蛟鰐橫深井龜蟾悲臣子掾君父視死乃如歸  
浩氣撐鼇極狂瀾勢崩摧楊子敦孝行家國理可推率土識

昭通縣志稿

卷九

詩文徵

十九

昭通新民書局代印

忠孝一息海水飛我詩助張目願附邯鄲碑

寄別三原孫頤菴先生

即髯翁

豐城

游方震

秋風蕭瑟促歸裝故我依然返故鄉五斗折腰原自錯一官  
鞅掌爲誰忙親朋若憶十年別松菊猶憐三徑荒莫向高人  
談出處烏蒙山色晚蒼蒼  
刻符九郡體羣情所在從無赫赫名政治未諳應被黜頭顱  
如許竟何成貽余珠玉懷新詠老我烟霞有舊盟此去柴扉  
常靜掩南華一卷足餘生

升沈命定不須嘆解縛心隨天地寬迂性久宜歸隴畝聖恩  
猶許註流官當年報國心空在此日逢時術大難撲面征塵

鞭瘦馬黃梁熟未憶邯鄲

半年嶺海逐蓬飄六詔風烟路更遙作吏久慙身鹿鹿罷官  
敢說志囂囂源尋衛水吾鄉近客寓陟山子興饒他日歸秦  
能過訪滹沱北岸問漁樵

遊圓寶山覽山水

昭通縣長 王百銳 秀峯

水性隨山轉山環抱水圓不因山起伏安辨水迴旋映水山  
間月匡山水接天深知山與水陸地小神仙

遊龍洞 賀伍石菴原韻

前昭通縣長 盧金錫 迪身

滇地分袂兩經年久別重逢豈偶然抵掌談心無晝夜揮毫  
落紙如雲烟 借用杜句君善書求之者衆 形骸放浪希逃世詩酒流連合有天

昭通縣志稿

卷九 詩文徵

二十

昭通新民書局代印

怕聽陽關三疊曲幾番惆悵不成眠

祖餞筵開名勝地連輿結駟齊觀光潭寒水潔月常印 寒潭印月為昭

陽八景之一 洞老林森夏自涼混混仙源資灌溉悠悠別緒感滄桑

前程努力須珍重應學蒙泉濟此邦

龍湫古寺近昭城 距縣城三十里 選勝登臨此送行愧我一官愁匏繫

屢辭未獲 羨君萬里奮鵬程 君勘界爭回失土偉烈豐功真遠大也 滇山蜀水縈歸夢舊雨新交

敘別情縱使畱君畱未得旬餘歡聚快平生

讌遊龍洞書感兼贈送行諸友 伍石庵

丙子初夏勘界返至昭通 迪身邑侯舊時好友也流連酒  
詩堅留十有餘日臨別復偕繆和之李松鶴李禹祿馬燮民

李仲紀李承烈張述之鍾鎮南朱燦五秦里侯陳潤之李瑞  
生劉青藜等摯友十餘人祖餞於此盛意殷拳詩以紀之  
探幽尋勝訪蒙泉天地靈分此自然十里紅橋飛白浪千章  
綠樹鎖蒼煙寒潭心印初三月時端午前二日也古洞雲低尺五天爲  
問潛龍知也未濟人何事久貪眠

樹林幽翳襯山光雅集南亭夜舉觴豪興半從天外落伊人  
恰在水中央千秋懷抱文章冷萬里羈遲歲月荒多謝諸君  
無限意感將身世寄滄桑

結駟猥蒙遠送行桃花潭水遜深情還鄉有夢人千里愛我  
勞君路半程勝地別開仙境界名山合似舊蓬瀛吾輩多人聯翻戾止登瀛學士

昭通縣志稿

卷九

二十一

昭通新民書局代印

何以過之青青柳色臨歧處怕聽一聲唱渭城

勉學

閩秀李培蓮質君

光陰捷如箭轉瞬百年期少壯前程遠桑榆後悔遲三餘功  
不懈萬卷手頻披有命知窮達讀書恨莫遺

春光

迭遭烽火後無復錦官城草木千叢繞春光百戰經村煙皆  
斷絕華屋長榛荆一片荒涼景何時見太平

題畫

不知沽酒處遙看杏花紅時未逢樵子村還指牧童路從南  
陌去旗挂午橋中牛背聲吹笛虹腰跨轉蓬朱陳尋舊跡童

稚語方通勝似桃源境何須問釣翁

第二十四

軼事

民國十八年張汝驥之來昭城中劉堅隴禹祿世賢三處之兵不下二千只知嬰城固守以致被圍旬日張乃勾結新昭之蔣應炳偵探王懷方等爲內應由西北城攻入肆殺守城之兵劉祿所部爲多城既陷而匪徒夥之乘黑夜中即恣行強擄各富戶陡街鋪面多受損失而西城外則輕也後有人投書謂其行同竊盜彼雖諮詢然亦未甚跟究及其退卻人民未受騷擾皆由田冠五殿後彈壓之力惟蔣王等皆隨之

昭通縣志稿

卷九

詩文徵

二十一

昭通新民書局代印

而去嗣後又隨季樹先入城彼二宵小先係結拜弟兄後蔣與王女苟合王忿極殺之數日後王由大關回將尋館夜餐即被其同類由後鎗斃其人逸去論者謂其自相魚肉未正國法早被天誅而此等作惡之人報應固甚速焉然其間亦有漏網者看其作何結局也

昭境東南鄉與黔省威屬稻田埧犬牙錯處蓋其地於黔爲甌脫地於昭則唇齒相依距昭城僅四十餘里物產豐饒向稱富庶於昭安危實有切膚關係民元以還萑苻遍地前者劉馬阮各匪屢經越界騷擾人民流離遷徙頓成澆薄矣黔省當局以爲鞭長莫及終聽之而已因之伏莽充斥幾成盜

藪所可慮者彼等朝發夕至肆其擄掠曾經駐昭軍隊追擊然此剿彼竄恃險固守卒以限於省界未便深入致匪逍遙法外及軍隊移動則又復來防不勝防雖爲昭憂實亦黔患意者與其屬黔而無力爲治何若割歸滇屬就近管理彼處距威百數里十俾昭威均蒙其福前昭人曾有此議後以事體重大必雙方呈請而止近聞威屬紳民已鑒及此聯名具情呈請中央暨滇黔政府將該地劃歸滇治俾除匪患而安閭閻倘獲見諸實行屬滇範圍則滇軍駐節鎮攝匪氛消滅可操左券恢復舊觀亦意中事雖昭之幸亦威之福也昭威人民其拭目待焉

## 昭通縣志稿

### 卷九

詩文徵

二十三

昭通新民書局代印

民國二十年駐昭旅長安恩溥鑒於東北九一八國難因倡辦昭通等十縣聯合運動大會藉以砥礪體育發揚民族精神指定南城外中山公園左側隙地爲運動地點惟以地面較狹曾募集鉅款購買場西農地約三十餘畝從事規畫將穿場河道填塞改由山麓直下並建築參觀台三楹遂成爲一完整之運動場定名曰逐日運動場蓋一以寓體育應逐日鍛鍊期作挽回國難之舉一以寓軍民強健爲將來驅逐暴日之後盾一意雙關亦云善矣

慈善一項範圍甚廣而救濟困窮實爲地方不可少之事檢骨施棺施藥等事均不乏人前歲政府奉令設立麻瘋院於



五穀廟由建委會提撥銀幣萬元公舉李約翰君爲經理更由李君募捐多款將各地病瘋者集合院中辦理數年死者有之生者尙多究其實可免傳染之患焉至年終施糧米同樂會辦之有年已紀前志近因此款奉提事遂停歇至二十四五兩年鍾朝綱萬瑞生崔文經等仍踵行之窮民除歲得此不無小補鍾萬二君現復籌辦慈善呈請政府撥地已由縣府會議劃有衛泉公園大殿作爲辦公之所其進行一切尙急極籌劃他日成効當有可觀也

### 前志源流

昭通之有志始於清乾隆中葉其名曰昭通恩安縣志又題

## 昭通縣志稿

### 卷九

詩文徵

二十四

昭通新民書局代印

爲昭通修志城圖命名旣乖更重風水其中並未敘述年月以其事倡於汪太守丙謙以官職題名考之當在乾隆四十年其編輯者爲副榜馬州有修志一序總纂爲尋甸州知州戴芳有修志徵言二者俱錄於詩文徵按其次序殊多凌雜辭語亦甚簡略維時草昧初開文化未啟故僅有此事蹟耳揆其志稿初成當軸卸任或以無貲遂未刊刻日久則原稿已失祇存張姓抄本四冊已多錯訛而陳樂齋所錄更多謬妄然以事實論後之修志者要不能不以此爲權輿也

光緒初年滇省續修通志令各縣設局採訪當時編輯者爲楊君思瀛字仙槎至府縣學官及知府知縣皆與其事甚爲

鄭重焉

昭通府志係光緒十三年李開仁名賢有傳因協修通志摘取昭通

五屬之事編爲府志各立門類僅具大綱其中細目尙多闕

略至歸家後年老多病不能從役遂未成完璧現其書已佚

前志據其抄本採摭尤多仍註明其書出處

前志之修肇於民國十一年符縣長廷銓因聞前歲李湛陽

等有提修之舉未果遂毅然負責籌款公舉修纂諸人其名列於前志

以履乾實任編輯其事實起自古昔截至宣統止民國後事

多未涉及計開局於辛酉歲至次年全書告成呈省政府勘

定後乾自到省校對印刷得書五百部均分送無遺

## 昭通縣志稿

### 卷九

詩文徵

二十五

昭通新民書局代印

至二十年昭城奉令雲南新修通志各縣應設立採訪昭通

縣遵令選舉李嘉眠胡祥樾姜思孝及履乾等設局辦理維

時考查所頒條例八十餘條前志已經載列過半餘者隨即採訪確實照

次加入用格謄真並前志全部由前縣長湯祚帶省呈交修

志局矣惟當時曾議將原稿寶存即行續修民國以來新志

誠屬一舉兩得嗣以湯公卸任更無的款其事遽爾終止

### 本志纂修始末

附纂修人略歷

昭邑往事已具載前志似無庸贅述蓋自民元以後城郭依然山川無恙但廿載來軍事匪患以及各機關之改革建設事亦繁矣不有以著之恐爲日既久傳述多訛何以徵信於

人茲幸二十年有採訪之舉各事稍有端倪又得省政府頒發各縣志綱目草案有所遵循倘再因循以後時過境遷難免散佚甚爲可惜至二十三年夏承前縣長李君文林慨然負責直向建委員會請求提款允助銀幣壹千伍百元之數又經開會公舉辦事之人專任履乾鳴泉二人爲編輯又得公司邵協理韻笙假以地點爰於七月中旬工作清苦簡約黽勉從事而所舉採訪二人一已作古一未能到因多方物色或有當載者即倩人往抄殊投稿者甚屬寥寥不得已仍將舊稿及素所知者照綱目依次編列互相參酌幸大體不差其無實據者胥從闕略初擬年內即可脫稿嗣因繕寫遲

昭通縣志稿

卷九

詩文徵

二十六

昭通新民書局代印

延補綴遺誤更待評議完善以致越歲三月末始克成書數年期望之心一朝頓釋雖文詞譎陋而事實具備庶可告無咎於我昭人云爾

楊履乾字筱雲號傷菴前清廩生曾於光宣間迭任師範文史教習繼任實業員長今任省立中學國文教員現年七十歲精力未衰前十二年曾編昭通志稿均分送流傳已無存畱

包鳴泉字培卿年三十九歲雲南省立第二師範學校本科第一部畢業歷任小學校長教育局長現任省立昭通中學校國文教員

今將捐款諸君芳名錄列於後

盧永衡捐舊滇幣叁千元	余景炎捐銀洋伍拾元
昭通商會捐銀洋伍拾元	邵韻笙捐銀洋貳拾元
疋頭公會捐銀洋二十元	萬吉堂捐銀洋貳拾元
循道公會捐銀洋壹拾元	歐司鐸捐銀洋十五元
吉興祥捐銀洋一十元	焦鳴岡捐銀洋壹拾元
同義豐捐銀洋一十元	同德森捐銀洋一十元
福合公捐銀洋一十元	瑞東和捐銀洋一十元
協利昌捐銀洋一十元	鎔記號捐銀洋一十元
陶繼魯捐舊銀叁百元	羅竹雅捐洋三十元

昭通縣志稿

卷九

二十七

昭通新民書局代印

曹會川捐洋五十元	陶鴻億捐洋二十元
楊重民捐款五十元	翟聘卿捐洋二十元
周世祿捐款二十元	唐植三捐款二十元
趙兩之捐款二十元	何春甫捐洋二十元
姜一清捐款一十元	李德芳捐款一十元
王家猷捐款一十元	以上十三位共捐舊滇幣五百八十元
曹星北捐舊幣三百元	夏玉笙捐銀洋二十元
傅緘三 陳雲濤 益記 協和 義成美 庫記 炳昌祥	
乾興昌 雲泰 宏昌 吉慶和 和	記計十二位各捐銀幣洋五元
駿義生 五福祥 <small>二位各捐銀洋四元</small> 吉昌祥 恆泰祥 <small>二位各捐銀洋三元</small>	

裕和昌 永和隆 綏 通泉 源昌 興 盛榮 蕭萬發 德福祥  
長順祥 義源祥 復 昌松 茂永 廣源店 以上計十二位各  
捐銀洋二元 熊紹武捐銀洋十元  
饒永康捐銀洋五元 浦芳涯捐銀洋三拾元  
劉石生捐銀洋拾元 楊孝先捐銀幣伍拾元  
王開仁捐銀洋貳拾元 黃守文捐銀幣洋十元  
陳吉貞捐銀洋三百元 王朝相捐銀洋伍十元  
建設局募捐銀洋貳十元 聚星誠捐新幣壹百元  
張性甫捐銀洋十元 新成祥捐銀洋十元  
馬世榮捐銀洋十元

建設委員會先撥助銀幣壹千伍百元正  
建設委員會繼撥助銀洋叁千元正

以上各款均發給開局編輯津貼印刷紙張工程校刊  
及各項經費外已應用無存另有造報

此書於民國二十六年春開印至次年十月末告竣